



Chwarae Dysgu  
a Thyfu'n Iach  
Play Learn and  
Grow Healthy

# Newyddlen y Brosiect

Gwanwyn 2011

Dymuna Tîm Prosiect Chwarae, Dysgu a Thyfu'n Iach  
Flwyddyn Newydd hapus, llwyddiannus ac iach i chi i gyd

Dyma a ddwedwch chi...



Pan wnaethom ofyn ichi roi gwybod i ni am unrhyw newidiadau y bu ichi eu rhoi ar waith ers dechrau cymryd rhan ym Mhrosiect Chwarae, Dysgu a Thyfu'n Iach, dyma a ddywedwyd gan rai ohonoch.

"Dwi'n mwynhau gwneud yr holiadur ar y gliniadur, ac mae'r gêm yn lot o hwyl!"

"Do'n i 'rioed yn hoff o lysiau nes i Mamgu goginio gormod ar gyfer un cinio Dydd Sul, a gwneud 'stwnsh llysiau' gyda nhw. Ro'n i wrth 'y modd, fe ges i dri llond plât! Dwi nawr yn erfyn ar Mam i goginio pentwr o lysiau fel bod digon ar gael dros ben!"

Emily 7 Oed

"Ers dechrau arni yn y Clwb Ôl-Ysgol dwi'n gwneud mwy o goginio gartre, ac mae Mam yn fy helpu. Dwi'n gwneud dips - cyri, iogwrt a chennin syfi, ac yn rhoi seleri, moron a chucumerau i mewn iddyn nhw. Fy hoff fwydydd yw wyau wedi'u stwffio."

Kali 11 Oed

"Bysedd pysgod yw fy hoff fwyd i. Ro' ni'n arfer eu prynu, ond nawr ry' ni'n eu gwneud nhw gartre. Lot o hwyl!"

Angus Oed 10

## Tystysgrifau Llongyfarch

Hoffem ddiolch i chi i gyd am fod yn rhan o'r prosiect hwn. Bydd eich Swyddog Datblygu yn galw heibio â thystysgrif i'ch lleoliad chi, y gallwch ei harddangos â balchder, a'i dangos i rieni. Gall bydis hefyd dderbyntystysgrif yn diolch iddyn nhw am eu gwaith caled a'u brwdfrydedd.



Swyddfa Gofrestredig: Clybiau Plant Cymru Kids' Clubs, Tŷ'r Bont,  
Ffordd yr Orsaf, Llanisien, Caerdydd. CF14 5UW  
Ffôn: 029 2074 1000 Ffacs: 029 2074 1047 E: info@clybiauplantcymru.org  
Cwmni a gyfyngir drwy warant 4296436  
Elusen gofrestrdig 1093260

# Gair gan ein tîm...

## Cylchoedd Gwarchod a Chylchoedd Chwarae Iach

Diolchi chi, bob uno'ngwarchodwyr plant a'n cylchoedd chwarae am eich help gyda'r bedwaredd rownd o gasglu data. A chroeso cynnes iawn i'r lleoliadau sydd newydd ymuno â'r prosiect. Edrychwn ymlaen at eich gweld yn y rownd

nesaf o Gyfarfodydd Grŵp Ffocws. Os bydd gennych unrhyw gwestiynau yn y cyfamser, mae croeso ichi gysylltu â mi dros y ffon neu ar e-bost.



**Wales Pre-school  
Providers Association**

A registered charity. A company limited by guarantee.  
Elusen gofrestrig. Cwmni cyfyngedig drwy warant.

**Cymdeithas Darparwyr  
Cyn-ysgol Cymru**

**Helene Lovell  
Gweithiwr Cefnogi  
07891 886501**

**helenel@clybiauplantcymru.org**



**MUDIAD  
YSGOLION  
MEITHRIN**

## Newyddion Hydref 2010

Y tymor diwethaf fe wnaeth pob Cylchsy'n rhan o'r prosiect cyffrous hwn (26) dderbyn a gwerthuso'r Cardiau Maeth. Diolch i bawb am yr ymateb parod.

Mae cardiau ar weithgaredd corfforol yn ogystal wedi eu datblygu erbyn hyn, a byddaf yn eu dosbarthu i'r cylchoedd uchod. Byddaf hefyd yn ymestyn y cynllun i gynnwys mwy o Gylchoedd, gan roi cyfle i fwy o grwpiau Ti a Fi i ymuno.

Rydym wedi bod yn cydweithio er mwyn trefnu Grwpiau Ffocws tymor yr Hydref. Roedd y rownd ddiwethaf yn llwyddiant ysgubol. Cawsom gyfle drwy'r cyfarfodydd i ymgynghori â chi ac i rannu gwybodaeth ar y prosiect. Daeth Laura, y Swyddog Hyfforddi o Clybiau Plant Cymru Kids' Clubs, draw i gyflwyno gweithgareddau ar fwyta'n iach, a fwynhawyd gan bawb.


Cofiwch gysylltu â mi os am unrhyw wybodaeth bellach.

**Tanwen Randell-Davies  
07837 964921**

## Y Wefan



Mae sampl o'n cardiau adnodd newydd yn awr ar gael ar-lein i'w lawrlwytho. Mewngofnodwch ar [www.plgh.org](http://www.plgh.org) a chan ddefnyddio'r ffurflen gyswilt, rhowch wybod inni eich barn arnynt.



### **Karen Pereira**

Rheolydd Prosiect  
karenp@clybiauplantcymru.org  
07977 200318

### **Pamela McIntosh**

Rheolydd Datblygu Iechyd  
pamelam@clybiauplantcymru.org  
07977 485993

### **Terena Davies-Tommason** (Clybiau Gofal Plant All-Ysgol)

Swyddog Datblygu Prosiect  
terenat@clybiauplantcymru.org  
07779 705881

### **Helene Lovell** (Gwarchodwyr Plant a Cylchoedd Chwarae)

Gweithiwr Cefnogi Prosiect  
helenel@clybiauplantcymru.org  
07891 886501

### **Tanwen Randell-Davies** (Cylchoedd)

Gweithiwr Cefnogi Prosiect  
tanwen.randell@mym.co.uk  
07971 394170

# Gair gan ein tîm...



## Diolch i'n Clybiau Gofal Plant All-Ysgol

Rydym wedi bod yn recriwtio ac yn hyfforddi bydis newydd a bellach

rydym yn edrych ymlaen am ymgymryd â'r Wobr Arweinwyr Ifanc fel y gall y bydis, wrth arwain ar 10 awr o weithgareddau, weithio tuag at y Wobr hon.

Dylai'r Cardiau Maeth newydd fod gyda chi bellach, ac fe

gynhelir ein Cyfarfodydd Grwpiau Ffocws ar hyd alled y sir. Cysylltwch â mi os am fwy o wybodaeth, neu mynnwch gip achlysurol ar y dudalen digwyddiadau ar y wefan,

[www.plgh.org](http://www.plgh.org).

**Terena Davies- Tommason**  
**Swyddog Datblygu**  
**07779705881**

Llawer o ddiolch, fel arfer, i bob un ohonoch chi'r clybiau ôl-ysgol am eich croeso cynnes ac am gyfrannu'n frwdfrydig yn y prosiect.

## Gwobr Arweinwyr Ifanc

Aydych chi'n warchodwr plant, neu'n arweinydd clwb all-ysgol sy'n gweithio gyda bydis? Os felly, a hoffech i'ch bydis dderbyn gan yr Ymddiriedolaeth Chwaraeon Brydeinig gymhwyster a adnabyddir yn genedlaethol? Os ydych yn fodlon cofnodi'r amser a dreulir gan y bydis tra'u bod yn arwain gweithgareddau gyda phlant iau, yna gallwn eich cofrestru ar y cynllun. Mae angen i fydis wneud 10 awr o weithgareddau corfforol er mwyn ennill y wobr hon. Unwaith y byddant yn yr yn yr Ysgol Uwchradd gallant ymgymryd â'r Wobr Arweinwyr Chwaraeon a allai, os dymunant, eu harwain at Wobr Lefel 1 mewn Hyfforddi, os dymunant. Felly... gadewch iddyn nhw gael rhywbeth i gydnabod eu holl waith caled. Gofynnwch i Helene neu Terena am fwy o wybodaeth ar sut y gallwch fod yn rhan o hyn, ac ennill seren aur i'ch lleoliad chi!



## Cardiau Gweithgaredd-Corfforol Newydd

Yn dilyn yr adborth gwych a gawsom ar y set ddiweddaraf o gardiau adnodd rydym wedi penderfynu seilio'r set nesaf ar gemau traddodiadol. Ymddengys bod gemau o'r fath yn dod yn boblogaidd eto, ac roeddem yn awyddus i ddarparu ar eich cyfer weithgareddau sy'n gofyn am ddim ond ychydig o adnoddau.

Mae'r rhain yn y broses o gael eu hargraffu, a byddant yn cyrraedd eich lleoliadau chi yn gynnar yn y Flwyddyn Newydd. Os na fedrwch aros hyd hynny, gellwch fewngofnodi ar [www.plgh.org](http://www.plgh.org) ymlaen llaw am gip slei o'r hyn sydd i ddod!

**Pam McIntosh**  
**Rheolydd Datblygu Iechyd**  
**07977 485993**

# Cyfarfodydd Grŵp Ffocws

Cynhaliwyd ein pedwaredd rownd o gyfarfodydd ar hyd a lled Sir Gaerfyrddin yn ystod hanner tymor mis Hydref. Penderfynwyd cynnal y rhain dros gyfnod o ddau ddiwrnod, y sesiynau boreol yng Nghaerfyrddin a Dinefwr, a sesiynau y prynhawn yn ardaloedd Llanelli a Chastellnewydd Emlyn.

Estynnwyd croeso cynnes, a rhoddwyd diweddariad ar y prosiect. Rhoddwyd cyfle i'r rhai a oedd yn bresennol i ofyn cwestiynau penodol i dîm prosiect Chwarae, Dysgu a Thyfu'n Iach parthed adnoddau, casglu data a chanlyniadau'r ymchwil hyd yma.



Yna fe wnaethom oll wylio arddangosiad dawns gan Pat a Sian, ac yna ymuno mewn sawl steil o ddawnsio llinell - gan gael lawer o hwyl ac ymarfer ein cyrff ar yr un pryd.

Wedi derbyn yr holl wybodaeth, a'r holl weithgaredd egniol, cawsom y bwffe iach a ddarparwyd ar ein cyfer.

**Gobeithio y gallwch i gyd ddefnyddio dawns a cherdd yn eich lleoliadau er mwyn cadw'n iach ac yn ffit yn y flwyddyn newydd.**

## Eich data yn dangos...

...y wybodaeth ganlynol ers i'r plant ymuno â'r prosiect, sef bod ...

**23%** yn fwy o blant 5-7 mlwydd oed wedi cynyddu eu dogn dyddiol o ffrwyth.

**35%** yn fwy o blant 5-7 mlwydd oed yn bwyta mwy o lysiau.

**18%** yn fwy o blant 5-7 mlwydd oed yn gwneud mwy o ymarferion corfforol.

**20%** yn fwy o blant oed 8+ yn gwybod faint o weithgaredd corfforol y dylent fod yn ei wneud.

**14%** yn fwy o blant oed 8+ yn gwybod sawl dogn o ffrwyth a llysiau y dylent fod yn ei fwyta bob dydd.

**12%** yn fwy o blant cyn-ysgol yn bwyta mwy o ffrwyth.

**13%** yn fwy o'n rhieni cyn-ysgol yn gwneud mwy o sesiynau 30-munud o weithgaredd bob wythnos.

*Mae'r newidiadau'n ein plesio'n fawr!*